



Inatsisartunut ilaasortaq,
Agathe Fontain
Inuit Ataqtigiit
Maani/

§ 37 naapertorlugu apeqqummut nr. 156-2022-mut akissut

Ulloq: 26-07-2022
Suliap normua: 2022 - 15282

Inatsisartut suleriaasissaanni § 37-mi imm. 1 naapertorlugu saattuarniarneq pillugu Naalakkersuisunut apeqquteqarputit. Apeqqut suliassaqaqfigisannit akineqartussanngorlugu innersuunneqarpoq.

All. nr. 20751572
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. Sisimiut eqqaani assagiarsunniarneq qanoq eqqarsaatigineqarpa?

Akissut: Aqutsiveqarfinni Sisimiuni sinerissap qanittuani aamma Sisimiuni avataasiarluni saattuarniarneq piffissami augustip aallaqqaataanit naanissaanut matoqqagallarpoq. Saattuarniarnerup matugallarnissaa Sisimiuni aalisartunit kissaatigineqarsimavoq, saattussat maanna pisarineqartut aqilisimani pissutigalugit. Matugallartarnissamut tunngasoq ukiuni arlalinngortuni aaqqiissutaasarsimavoq, saattussat qaleruaasa aqiliffiini aalisartut matusigallartoqarnissaanik qinnuteqartarmata, saattussallu qaleruaasa manngerteqqinnerini aalisarneq nangeqqinneqartarluni, pisassiissutit aalisartunit tunisassioortunillu tamakkerneqarnissaanik anguniarlugu. Matusigallarnissamut aalajangiisoqartinnagu Aalisarnermut Siunnersuisooqatigiit tusarniaaffigineqaqqaarsimapput.

2. Angallatit RG-p Sisimiuni fabrikianut assagiarsunnik tunioraasut naammatutut isigineqarpaat ?

Akissut: Ingerlatseqatigiiffiit annertunerpaamik tunisassiornissartik pilersaarusiortussaammatigit Naalakkersuisut tunisassioffiit tunisassioernerinut akulerunneq ajorput. Saattuarniarneq pillugu Namminersorlutik Oqartussat nalunaarutaat nr. 1, 4. januar 2022-meersoq naapertorlugu piffissami 1. januar 2021-miit 31. december 2022 ilanngullugu inuussutissarsiutigalugu saattuarniartunut nutaanut ukiunut marlunnut piffissalikkani akuersissutinik Aalisarnermut Piniarnermullu Naalakkersuisoqarfimmit tunniussisoqassanngilaq. Saattuarniartut nutaat imatut paasineqassapput; aalisartut ukiup pisassiiviusup siuliani aalisariaatsimut pineqartumut akuersissummik peqarsimanngitsut. Tamanna eqqunneqarpoq saattuarniartut pillugu aqutsinissamut suleqatigiit innersuussuteqarnerisa kingorna, suleqatigiissitat KNAPK-mit Royal Greenlandimillu peqataaffigineqarput.

3. Nukariit II, Sisimiut fabrikianut tunioraatinniarneqarpa ?

Akissut: Aalisartut namminneq aalajangissavaat sumut tunisissanerlutik.

4. Saarullinnut uumasuusiiviit, ajornartorsiorfiuppaat ?

Akissut: Aalisarnermut Piniarnermullu Naalakkersuisoq aasap ingerlanerani saarullinnik uumatitsivimmiitsinerup aallartisarnerani ajornartorsiutinik arlalinnik apuuffigineqarpoq.

Naalakkersuisut isumaqarput taakku aalisarnerup ingerlanneqarneranit ajornartorsiutit pineqartut KNAPK-p Royal Greenland A/S-illu oqaloqatigiinnerisigut politikikkut akulerussuutsitsinatik aaqqiissuteqarpata pitsaanerpaassasoq. Taamaattumik Naalakkersuisup illuatungeriit taakkua ajornartorsiutit pillugit oqaloqatigiittarnissaannut aaqqiissuteqatigiittarnissaannullu kaammattorsimavai.

Saarullinniarnerup inerariatornera Naalakkersuisup malinnaaffigeqqissaarpaa. Naalakkersuisut pingaartippaat soqutigisaraallu aalisartut tunngavissaqarluarnissaat.

Inussiarnersumik Inuulluaqqusillunga



Karl Tobiassen

Aalisarnermut Piniarnermullu Naalakkersuisoq